



Assam Congress tir Bhupen  
Borah IT dept-i jaok

Ato kilonser anentsüba sülen Thailand  
yimten tashimait kumogo

VOL. XXI ISSUE NO. 304 (ADOK 304) DIMAPUR ROGONÜ (FRIDAY) LUROI (AUGUST) 16, 2024 ₹ 5.00

## Naga yimten ken o bentettsü sorkari bendanga agütsür inyaker: CM Rio

Kohima, Luroi/August 15  
**(TYO):** State sorkari Naga yimten ken o bentettsü asoshi bendanga agütsür inyaker aser Centre nung ketdangsür temia tanen makai inyakba ajanga tekeratiba nung tangatettep kati arutsü asoshi tajangzük alitsü imlar, ta Nagaland Chief Minister Neiphiu Rio-i ashi.

"Ozü sorkar ya Naga Political Issue tekeratiba nung bentettsü asoshi bendanga agütsür inyaker. Centre nung ketdangsür temi maneni inyakba ajanga tekeraba nung pangzüng ka renemtsü asoshi teyari alitsü imlar," ta Rio-i Nagaland Civil Secretariat, Kohima nung 78th Independence Day sentong nung jembidang ashi.

Iba atema state sorkari akokba mera ajak agir, aser Cabinet aser Cabinet maliba kin nungi elected members densela Political Affairs Committee tenteter senden mezüngbuba menogo, ta Rio-i ashi.

Political Consultative Committees ajanga Civil Society Organisations, Tribal Hohos den senden mena August 3, 2015 nung meyongnem agütsür aliba Framework Agreement aser November 17, 2017 nung zülutepa aliba Agreed Position atema jembishinü akatsü.

"Tekeratiba nung tangatettep kati arutsü atema onoki stakeholders ajunga den maneni jembishintüsü," ta Nagaland CM-i ashi.

NSCN-IM ya Centre den



Nagaland Chief Minister Neiphiu Rio-i August 15, 2024 nü Civil Secretariat Plaza, Kohima nung 78th Independence Day mapang contingents semdangba noksa nung angur.

1997 nungi ceasefire nung lir aser 2015 küm Framework Agreement ya zülutep. Ano 2017 nungi GoI aser Naga nunger telok tenet aliba Working Committee of Naga National Political Groups tsüngta jembishinü balaka tenzüka 2017 küm Agreed Position zülutepa liasü.

Ajisüaka ken o jembiba nung tatem kati maruteti lir, aser NSCN-IM ya Naga nunger asoshi nisan aser constitution balaka akhangba nung masetshi nokdaka lir.

78th Independence Day nung salem o lemsatepba mapang, Nagaland ya December 1, 1963 nü Indian Union nung state 16 buba akum aser linük nung tongti shilem agia arur, ta Rio-i ashi.

"July ita tetsürtem asoshi menden wazüktür Urban Local Body Elections agia asenoki otsü tasen yangluogo. Asenoki lokti ajunga ka kumdahtsü, tzüzüng-ozüng tasen yanglu, State Election Commission tashi itshidaktsü.

Town aser municipal councils nung tetsür züngsem kata maliba

nungi tangbo ozüng nung shia aliba tetsür shilem 33 dang nungi tali shilem 37 lir, ta pai ashi.

Iba tatishitsü tajung ya asen Naga nunger ajungai kodanga mamadoktsüla aser asenoki dang lungjemtetra State ka ama asenoki mokoktetsü kecha mali, ta CM Rio-i ashi.

Kasa mapang State indang Eastern Region nung amalitep tali nüngdaker, ta pai ashi.

Region nung physical aser human capital tsüngta tawa aliba nung apu alatsü asoshi ibaji kanga tongtipang lir aser Eastern Nagaland Peoples' Organisation indang ken o angatetteptsü atema sorkar 'open-door policy' lir ta pai ashi.

ENPO-i tang aliba Nagaland nungi region balaka khanga 2010 nungi Frontier Nagaland Territory ya latet aser state sorkari lenla ajak nung senzüka yutsür ta ashir.

Pai lenmang tesendaktep, energy, sports aser tourism sectors densema inyakyim balala nung takok anguba aser terenlok

asoshi sentong yanglua aliba indang lemsatepa liasü.

State sorkari tongtipang projects aika bushia arur, aser item rongnung state yimtiba Kohima nung Ciethu Airport yanglutsü, Dimapur-Tizit Railway line, Foothill road, Indian Institute of Science Education &

Research ya Central Institute of Medical Science & Research ya Chumoukedima district nung new incubation city 'Nagaki' amenoktsü, aser state nung National Highways tali sangdongtsü asoshi Government of India lenmang balala nung inyakteptar, ta CM Rio-i ashi.

Hydro Electric Projects tsütsü sen crore 541.12 jenjang 42 MW Lower Tizu aser sen crore 368.53 jenjang 24 MW Zungki project ya Asian Development Bank kübok senotsü teyari agütsü Centre-i agizükogo, ta pai metedaktsü.

FY 2020-21 mapang tenzükba 2.4 MW Duilumroi

Small Hydro Project ya tan ita renemtsü lir aser Lower Doyang HEP ya 18-24 MW tsüngta yanglutsü atema survey agiba bushisüngdangba maparen tenzükogo, ta ashi.

Jal Jeevan Mission kübok Public Health Engineering Department (PHED) ajanga state nung July ita tetenzüklen tashinung target households shilem 91 nem Functional Household Tap Connections (FHTC) agütsüogo aser rural villages/ habitations 1,548 nungi shilem 64 tashi FHTC agi awajemogo, ta pai ashi.

Department of Agriculture-i Pradhan Mantri Kisan Samman Nidhi scheme kübok June tashinung aluyimer 2,03,462 indang bank accounts nung sen crore 520 inoktsüogo, ta CM Rio-i ashi.

Department of Horticulture ajanga ali tasazük 2,500 hectares nung Citrus, Persimmon, Ginger aser Large Cardamom lu ayimtsü tenzükogo aser konger metsüba nüngtugu kumdahtsütsü mechii 380 low-cost mushroom units tenzükba lir, ta ashi.

Department of Technical Education-i state nung aliba Polytechnic Institutes ajunga National Board of Accreditation kübok accreditation angutsü meranga inyaktar aser Longleng aser Kiphire nung aliba Government Polytechnics nung yakta academic session tenzüktsü imlar, ta pai ashi.

## NIDA-itänü Black Bands/Badges inoktsü sangdonger

**(TYO):** Tawa Kolkata nung taoksatsüka tetsür doctor ka dak tashiyim amshia shi nung medemer tepsetba dak sendakba nung All India Federation of Government Doctor's Association (AIFGDA) bhukuma aser mangyimer kibong den tejashi lemsatepa NIDA züngsem ajak August 16, 2024 nü Black Bands/Badges inoktsü metedaktsür, ta Nagaland In Service Doctor's Association (NIDA) tir Dr. Bernard Amer aser tongti zülur ashi.

Dr. Nitovi Shikhu nati sangdong ka nungi ashi.

Iba osang ya ajungbeno sangdonger asünung District NIDA Units temi district unit representative den yaritepa Black Bands/Badges ya anepalitsü ayongzüker.

Iba inyakyim nung shilem agiba tejanga bidentsü mechii NIDA WhatsApp Group nung noksa tangoker yoktsü ajungshir, koba AIFGDA indang Central Executive Council dangi yoktsü, ta sangdong ajangasa ashi.

## Raj Bhavan nung 'At Home' cum Governor's Award agütsü

**(TYO):** Arts, Music aser Literature wadang nung dangar dak nungi alakta inyakteter atema 'At Home' cum Governor's Award sentong August 15, 2024 nü Dr. Imkongloba Hall, Raj Bhavan, Kohima nung agia liasü.

Iba sentong nung jembidang, India nunger ajunga asoshi tanü anogo ya kanga tongtipang lir aser iba anogo asenoki asen tsürabor temi asen nüchiso asoshi bendanga agütsür nokdakba bilemteter, ta Nagaland Angh La Ganesan-i ashi.

Parnoki mapa tajung inyaka yutsüba agi asen len anir aser 'democracy, unity aser integrity' jenjang wazüka ayutsü ajungshir. Asen linük lenla balala nung tejak tentetsüsa shilem tajung agiba nisungtem asenoki akumtsübtotsü aser bilemtetsüla, ta ashi.

Tanü asenok putu tasen kati ayaoka aitsü jenjang nung lir aser asen Ato Kilonser Narendra Modi-i kanga pet-peta "Amrit Kaal" ta ajar. Iba senti mapang yagi asendenshir asen linük tashi taitba kumdahtsütsü asoshi mandang yur inyaktsü sayur, ta Angh-i ashi.

*(Maneni tapak 2 nung...)*

Viksit Bharat ya asen kabu nungi lir aser iba mangdang takok ngua inyaktetsü India sensi ajaki maongka angur. Iba mangdang nung bendanga agütsüba, maparen tasen rateta inyakba, aser telungjem nüngdaker, ta pai ashi.

"Asenoki asen takok benjongdang tarutsü asoshi khuret bona temulungtetba nung benzütsüla. Iba 'new India' atema asen lanurtem ya milen ameretem lir. Nenok tashi, tejangraba aser shisatsü tasen ajanga asenok tejakleni anitsü. Linük meimba tanüla alitsüla aser ner linük asoshi bendanga agütsür mapa tajung inyaktsüla," ta Nagaland Angh-i ashi.

Asenok liyonga aruba lepa reprangdangra, asen ayak yangluba nung sobaliba yagi shilem tulu agia lir. Art, music aser literature ya pei bilemba lemsatepba kisüng masü saka senmangreb balala taktepdaktsüba angsü tongtipang lir. Parnoki ajungmesor, lungjemdaktsü, anisüngzük agütsür aser tesendaktep adokdaktsü, ta pai ashi.

Governor's Award ajanga Arts, Music aser Literature nung pelar, ta pai ashi.

dangar dak nungi alakta sempet alirtem tushitsü maongka anguba atema pelar, ta pai ashi aser alima dang asen sobaliba tajung sayutsü ayongzüka liasü.

Additional Chief Secretary and Finance Commissioner, Sentiyaner Imchen, IAS-i iba sentong nung jembidang Arts, Music aser Literature nung Governor's Award agütsütsü ya 2003 küm tenzük, ta ashi.

Department of Art and Culture ajanga iba award ketcang asür aser district shia Deputy Commissioner tekolah sur district level nung committee temi iba sempet atema nübu shimer.

Parnoki shimer yokba ya Chief Secretary tekolah sur aliba state level committee kati asadanger, ta Sentiyaner Imchen-i ashi.

Sobaliba wazüka ayutsü aser anepalua amshitsü atema sorkari maparen balala inyakba rongnung Governor's Award for Arts, Music and Literature ya ka lir, anunji Department of Art and Culture aser State level Committee tenüng nung Angh La Ganesan aser Chief Minister Neiphiu Rio nati yariba atema pelar, ta pai ashi.

## Governor's Gold Medal aser Commendation Certificate agütsü

**(TYO):** Department balala nung bendanga agütsür mapa meranga inyakba asoshi 78th Independence Day, 2024 sentong August 15, 2024 nü Nagaland Civil Secretariat Plaza, Kohima nung alidang Chief Minister Neiphiu Rio-i Governor's Gold Medal aser Governor's Commendation Certificate sangdonga liasü.

Certificate sangdonga liasü.

CM Rio-i Dr. Sentitula, IFS, DFO Mokokchung nem Governor's Gold Medal amoktsü, koba Republic Day 2024 nung sangdonga liasü.

Iba sentong nung Police Medal for Meritorious Service aser Governor's Gold Medal sangdonga liasü.

*(Maneni tapak 2 nung...)*

# State kubok district balala nung Independence Day mungogo



Dimapur



Mokokchung

**Dimapur, Luroi/August 15 (TYO):** August 15 nü Linük ajunga den jangyu medema Nagalang kubok district balala nung 78buba Independence Day mungogo.

Brehostibarnü Tuensang HQ nunga Parade Ground, Tuensang nung 78buba Independence Day mungogo, kong Advisor Information Technology & Communication, Economic and Statistics and Evaluation, H. Sethrongkyu Sangtam tongti tesemdanger liasü.

Linük wako salatsüba sülen tongti tesemdangeri Rashtriya Salute agizük aser Independence Day osang lemsatepa liasü. Sentong nung Parade Contingents 16-i shilem agi. Sentongtem rongnung Drug Free Nagaland atema tenangzükteba agiba, District Commendation Award agütsüba, sobaliba sentong balala agiba, 29th Assam Rifles, Tuensang-i dog show ka sayaba aser tongti tesemdangeri Exhibition stalls lapoktsüba densema liasü.

Chumoukedima District nunga Chumoukedima Town Public ground nung Independence Day mungogo, kong T. R. Zeliang, Deputy Chief Minister, Planning & Transformation, National Highway tongti tejaokeri liasü.

Sentong ya wako atsüketba sülen parade asadangba den Rastriya Salute agia tenzük. Parade contingent ya parade commander Medemikala Tzudir, NPS-i ani aser second in command ji ABI, Kitskha Achumi, 1st NAP Battalion, Chumoukedima liasü.

Sentong nung cultural trope aser school balalai shilemagia liasü.

Mokokchung nung Independence Day sentong ya Imkongmeren Sports Complex nung agia liasü. Iba sentong nung Minister for Forest, Environment & Climate Change and Village Guard, C. L. John tongti tesemdanger liasü aser pai linük wako atsükettsüba den parade

contingents 11 nungi Rashtriya Salute agizükka liasü.

Independence Day o jembiba sülen minister-i District Commendation Award 2024 agütsü aser Exhibition Stall tem lapokja liasü.

Sentong nung Gorkha Union, Mokokchung aser Watemdong Cultural Club, Ungma nati sobaliba kenten aser tsüngsang saya aser iba sülen Departmental Officers aser MMC Councillors tem tsüngda arr atsütepa liasü. Nikongtsütsü DPDB XI aser MFL 35+ na tsüngda exhibition Football match ka asaya.

Maneni Wokha nunga Independence Day sentong local ground Wokha nung agiogo, kong Advisor for Agriculture, Mhathung Yanthan tongti tejaokeri liasü. Tongti tejaokeri linük wako salatsü aser iba sülen parade contingents 10 nungi Rashtriya Salute agizükka liasü.

Independence Day osang abenba sülen tongti tejaokeri District Level awards agütsü aser paisa departments aser Self-Help Groups balala indang stall tem lapokja liasü.

Dimapur nung tanü Dimapur District Sports Council (DDSC) Stadium nung 78buba Independence Day mungogo.

Iba sentong nung Minister, Public Health Engineering Department (PHED), Jacob Zhimomi tongti tejaokeri liasü aser pai linük wako salatsüba den parade asadang aser Independence Day osang bema liasü.

Maneni minister-i ketdangsür balala nem parnok mapa tajung asoshi District Awards agütsü. Parade Commander Kr. Ngimchule Nampeung, NPS, Assistant Commissioner of Police (Traffic) Dimapur, Parade 2 i/c Pachio Khamniungan, Subedar Major 15th NAP IR Mahila Battalion & Parade BHM Havildar Khekato Sema, Police Commissionerate, Dimapur nungeri anir parade contingents 11-i iba sentong nung shilem agia

liasü.

Mon nunga Brehostibarnü Independence Day sentong nung Advisor, Treasuries & Accounts, Art & Culture, Konngam Konyak tongti tesemdanger liasü. Iba sentong ya Local Ground, Mon nung agiogo.

Sentong nung Advisor-i linük wako salatsü aser Parade contingents den asadangba sülen Independence Day osang lemsatepa liasü. Paisa, department aser lokti tentet balala indang stall tem lapokja liasü.

Taküm Mon district nungi employees 12 nem District Commendation Award agüja liasü. Sentongtem rongnung sobaliba tsüngsang aser school aser telok balalai kentena liasü. Mosenlo Apong, Asstt. Commandant 6th NAP, Parade Commander liasü.

Kiphire nung Independence Day sentong public ground, Kiphire nung agi, kong Advisor Land Resources, G. Ikuto Zhimomi tongti tejaokeri liasü. Taküm pared nung contingent 11-i shilem agi, koba parade commander Asst. Commandant, M. Petovi Sema E / 3rd NAP Kiphire-i ania liasü. Ajak sentep district nungi nisung 15 nem District Awards and

Commendation Certificate agütsüo.

Kasa mapang nung Niuland nunga Independence Day sentong mungogo, kong Minister for Rural Development & SIRD, Metsubo Jamir tongti tejaokeri liasü. Minister-i linük wako salatsü aser contingents 12 nungi Rastriya salute agizükka liasü. Taküm parade commander ji Deputy SP, James Jami, SDPO Niuland liasü.

Sentong nung tongti tejaokeri Independence Day osang lemsatepa sülen parade contingents temi march past süa liasü.

Sentong nung sobaliba saya balala den Regional Hughes Shaw Memorial School-i Karate demonstration ka saya, Shepherd

angazütsü aser renloka aotsü yongya atar.

Kasa mapang nung Vice Principal Temsurenla-i, Student Teachers tem dang parnok nükjidong dak maneni rangloker inyaktsü aser mapa südaka meyui inyaktsü ajungshia liasü. Laisa, lenmang kanga tasak ta bilemba mapang nunga tanen makai meranga inyakba ajanga takok ngutettsü ta ashi.

Formal sentong tembangba sülen informal session ka agi, kong Students Teachers' temi shilem balala agiba ajanga MCTE kibong yongtsü nung tesendaktep takangba kümdaktsügo.

High School-i drill saya aser 7 AR-i Band display süa liasü.

Brehostibarnü Peren nung 78buba Indian Independence Day sentong Peren district Head Quarter ground nung agiogo. Minister for power & Parliamentary Affairs K.G. Kenye tongti tejaokeri liasü aser tongti tejaokeri ama pai linük wako salatsü aser Parade Contingent tem nungi Rashtriya Salute agizükka liasü.

Sentong nung Baptist Higher Secondary School Peren, Jawahar Navodaya vidyalaya Jalukie aser Peren Government College nungeri shilem balala agia liasü.

Tsemenyu nung tanü Independence Day sentong Rengma Sports Association Ground, Tsemenyu nung mungogo. Iba sentong nung Women Resource Development & Horticulture, Salhuotuonou Kruse tongti tejaokeri liasü. Minister-i linük wako salatsü aser parade contingents tenet nungi Rashtriya Salute agizükba sülen Independence Day osang lemsatepa liasü.

Tongti tejaokerisa department aser lokti tentet balalai lapokba exhibition stall tem lapokja liasü.

Maneni Zunheboto District nung Independence Day sentong Public Ground, Zunheboto nung

Longleng nung Independence Day sentong nung Minister for Housing & Mechanical Engineering. Government of Nagaland, B. Bashangmongba Chang alakteta jaokeri liasü. Iba sentong ya public ground Longleng nung agi. Sentong nung alakteta jaokeri wako salatsüba den parade contingents tem asadanga Rashtriya salute agizük aser Independence Day osang lemsatep.

Sentong nung telok balalai sobaliba sentong balala saya liasü.

Maneni Noklak nunga MLA, P. Longon-i, public ground nung linük wako salatsü aser Parade Contingents 9 nungi Rashtriya Salute agizükka liasü.

P. Longon-i Independence Day osang lemsatep aser department balalai lapokba stall tem lapokja liasü. Nikongtsütsü exhibition football match ka asaya liasü.

## 13buba MCTE Induction sentong agiogo



**Dimapur, Luroi/August 15 (TYO):** Mokokchung College of Teacher Education (MCTE), Yimyu nung Student Teachers batch tasenba atema 13buba Induction sentong August 14 nü agiogo.

Sentong nung senior batch nungi Nokchanaro-i kaketsir tasentem pelashishia agizük

aser jenjang tasen ka agiba mapang kati ka nongita yariteptsü ajungshia liasü.

Kaketsir tasentem tenüng nung 1st semester nungi Yangserenla-i MCTE nung azüngtsü maongka anguba atema kanga pelaba lemsatep aser ashiba agi, tesayurtem tawabangba kubok

## Governor's Gold Medal... (TAPAK 1 NUNGI...)

### POLICE MEDAL FOR MERITORIOUS SERVICE

1. Bendangwati Ao, Deputy Superintendent of Police, Nagaland

### GOVERNOR'S GOLD MEDAL AWARD

1. Sheta Lohe, SDPO (N) DEF Kohima
2. Takonungba, Naik 2nd NAPBn.
3. Khriezotuonuo Theunuo Athletics Coach
4. The Nagaland Madrigal Singers.

Kasa mapang Governor's Commendation Certificate sangdonga item nisungtem nem agütsü:

1. Alongla Aier, Operations

Manager, Nagaland Health Protection Society

2. Khenpa, EAC, Aghunaga,
3. Mimi Kevichusa Ezung, Associate Professor, Nagaland University.

4. Dr. Senilo Magh, Medical Officer, District Hospital, Tuensang.

5. Er. Akala Senior Computer Programmer PIMS, P&AR Department

6. Asela Seth Sangtam, NSS, Section Officer, SAB-B, Home Department.

7. Lansothung Lotha, Forest Ranger Officer, Doyang Beat Department of EF & CC

8. Manba Phom, Duftry, Directorate of Art & Culture.

## PM Modi-i 'Secular Civil Code' aser 'One Nation One Election' atema jembi



New Delhi, August 15, 2024: Brihostibarnü Independence Day anogomong sentong nung Ato kilonser, Narendra Modi-i jembidang tangokba noksa nung angur.

New Delhi, Luroi/August 15

(Agencies): Brihostibarnü Independence Day anogomong nung Delhi nung aliba Red Fort nung tongti sentong nung jembidang Ato kilonser Narendra Modi-i linük nung uniform civil code ka- "secular civil code" nüngdak, ta metedaktsü.

Ato kilonserisa 'one nation one election' nüngdak, kechiyong mapang balala nung elections agiba ajanga linük ainba tsütsü tetsükdaktsü agütsür, ta metedaktsü.

Minute 98 shi onük jembidang Modi-i, India ya hon putu ka nung lir aser 2047 küm tashi nungbo India ya terenlok linük ka akümtsü, ta ashi.

Ato kilonserisa Bangladesh nung tensa mejungi aliba den

külemi iba linük nungji nütsüng ajema aliba Hindu nunger kümzüka alitsü atema tebilemtsü kaja jembi.

"Kobi melii Bangladesh nung tensa süngjemtsü imlar. Onoki yimjung atema inyaker. Bangladesh nung tepela aser azükaru atema India-i teti bilemtsü," ta pai ashi.

Uniform Civil Code (UCC) dak sendakba nung Modi-i, linük nung 'Secular Civil Code' ka nüngdaker, aser ibaji linük temzüng nunga shisema lir, ta ashi.

Narendra Modi-i, "Supreme Court-i Uniform Civil Code atema aiben o lemtepogo aser

UCC atema yaküm nungi tenzüka Law Commission-i stakeholders den iba ozüng benoktsü assoshi jembishinü tenzükogo.

Tesüiba anogo ishika tsüngda Udhampuri-Doda-Kishtwar region nung kiralongrartem aser

Iba dak alia civil administration nungi ketdangsertem, army, police aser paramilitary sepaitemia captain Deepak nem akhüm agütsü.

Bodhbarnü Jammu & Kashmir nung Doda district

June 26 nüa Doda district kübok Gandoh area kübok kiralongrartem den raraang Pakistan nung amenoka aliba

Taoba Amongnua Kishwar kübok Nownatta aser

Kira longrartem na tsüngda raraa liasü.

Iba rara sülen Udhampur district aser Doda district na kübok Assar belt nung sepaitemi kiralongrartem mita odar.

Brihostibarnü Jammu nung

General-officer-Commanding

(GoC) White Knight Corps

Lieutenant General Navin

Sachdeva, Divisional

Commissioner Ramesh Kumar

aser Additional Director

General of Police, Anand Jain

nungeri Deepak mangjak nung

naro tokja akhüm agütsügo.

Iba rara sülen Udhampur district aser Doda district na kübok Assar belt nung sepaitemi kiralongrartem mita odar.

Brihostibarnü Jammu nung

General-officer-Commanding

(GoC) White Knight Corps

Lieutenant General Navin

Sachdeva, Divisional

Commissioner Ramesh Kumar

aser Additional Director

oa yari, ajisüaka mekümküteti asü.

Tesüiba anogo ishika tsüngda

Udhampuri-Doda-Kishtwar

region nung kiralongrartem aser

sepaitem tsüngda pezüben

raraogo.

Bodhbarnü Jammu & Kashmir nung Doda district

June 26 nüa Doda district

kübok Gandoh area kübok

kiralongrartem den raraang

Pakistan nung amenoka aliba

Jaish-e-Mohammad (JeM)

kiralongrartem telok nungi

nisung 9 puogo.

Tawa iba hospital nung

tetsür doctor ka tashiyim

amshia raksatsür tepsetba

anema doctor temi longkak

sashia aitba mapang nung

yasüng nisung kar hospital

telungi tua osettsüset raksatsü.

Bodhbarnü ayaterm nung

mejangjaba telok ka RG Kar

hospital telungi tua osettsüset

raksatsüba sülen Brihostibarnü

police-i aibelenertem indang

noksa kar Facebook ajanga

lemsatepa liasü.

Item noksa nungji ajemdaker police-i osang metetpelaba sülen nisung 9 apu.

Kolkata police-i ashiba agi, nisung kari longkak aitertem

## I-Day nü aluyimertemi Punjab aser Haryana na nung longkak ait

New Delhi, August 15 (Agencies): Brihostibarnü Independence Day anogomong sentong nung

police na tsüngda aiben rara adokogo.

Brihostibarnü Amritsar nung tractor 600 shi amshia aluyimertemi linük wako den aluyimertem indang wako songer longkak aita liasü.

Samyukt Kisan Morcha (Non-Political) aser Kisan Mazdoor Morcha (KMM) nati longkak aitba sentongtemji ayongzüka liasü.

Taküm February 13 nü SKM (Non-Political) aser KMM na leniba nung Punjab nungi aluyimertemi 'Delhi Chalo' march tenzüka liasü. Aluyimertemi alu nungi züsentetbatem atema minimum support price (MSP) densema takhangba balala agütsür.

Ajisüaka Haryana Police-i Ambala-New Delhi national highway nung aluyimertem nokdanga liasü.

Iba mapang nungjagi tenzüka Shambhu aser Khanauri border points nung maneni longkak aitba liasü.

Panchkula kübok Pinjore nunga Bhartiya Kisan Union

(Shaheed Bhagat Singh) lenir Tejvir Singh leniba nung tractor

March agiogo.

## Kolkata nung RG Kar hospital raksatsüba sülen police-i nisung 9 puogo



Kolkata police-i tang tashi nung pua aliba nisung 9 noksa nung angur.

Kolkata, August 15 (Agencies): Bodhbar

ayaterm nung nisung kari Kolkata nung aliba sorkar

hospital- RG Kar Medical

College Hospital raksatsüba

sülen anogo ka dang lir

Brihostibarnü Kolkata police-i

nisung 9 puogo.

Tawa iba hospital nung tetsür doctor ka tashiyim amshia raksatsür tepsetba anema doctor temi longkak sashia aitba mapang nung yasüng nisung kar hospital telungi tua osettsüset raksatsü.

Bodhbarnü ayaterm nung mejangjaba telok ka RG Kar hospital telungi tua osettsüset raksatsüba sülen Brihostibarnü police-i aibelenertem indang noksa kar Facebook ajanga lemsatepa liasü.

Item noksa nungji ajemdaker police-i osang metetpelaba sülen nisung 9 apu.

Kolkata police-i ashiba agi, nisung kari longkak aitertem

Brihostibarnü BJP state Tir,

Sukanta Majumdar leniba nung

BJP züngsemtemi RG Kar

Medical College & Hospital

anasa mener longkak aita liasü.



August 15, 2024 nü India nunger Independence Day anogomong nung Dakshin Dinajpur district kübok Indo-Bangladesh Border checkpost nung Border Security Force (BSF) sepaitemi Border Guard of Bangladesh (BGB) sepaitem nem nanglong agütsüdang tangokba noksa nung angur.



# TIR YIMYIM

## YIMOBILEM (EDITORIAL)

DIMAPUR ROGONÜ, AUGUST (LUROI) 16, 2024

### Shitakba nüchiso

**A**senok Naga nungerema August 14 nung yimten nüchiso mung mungogo aser parnok India nungerema 15 August nung 78 buba yimten nüchisomung mungogo. Iba ama yimten nüchiso anguba anogomung amongdang asenoki aiben junga mebilemdangi toktsübaj asenok nüchiso anguba ya koba ama taküm tia ka nung lia nüchiso angu ta asüba onük aser tasüngdanga ya asütsü. Mezüngyongi asenok asoshibo tanü Assam nungi Gujarat tashi aser Tamil Nadu nungi Kashmir tashi nung aliba India nungerem ajak ya bendangertem lir, anungji achi-ajem, kibakiyim, ali senmang, senlemtsülem aser oshioben dang masü saka sübosülemtsü aser külemküja sobalibatem ajak kenyongi balala lir, anungji item kintem denji yimten temzung ozüng ka kubok alitsübajib tangar bendanger ka kidang oagi alaramai masüonga kilir kumer alir asütsü ta angatetba agi nüchiso asoshi nokdaker. Aji oda, NNC lenirtemi ashiba ama, India nungerem rongnung kari akshi machir aser kari nashi shi machir, ano karibo shi tak ta machir, ajisüaka asenokibo ajak achir, anungji achi-ajem tsütsüa linük ka nungkasa temzung ozüng ka ser asenok o parnok na alitsübajib tasak lir. Aji oda, kibalembu tsütsüa asenokbo kin kidong kanga ashishiteper, saka parnok atemabo kecha balaka talangka ashishitepa aotsü menüngdaker, amungsüzung tsütsüa asenok o parnok na lepku amungba, tanur sor tenüng ajaba aser aniasüngba maparentem nung kenyongi meputeper, itemji kodaser külem kasa kin nebortema ta shitettsü? Atangji, aji shisabolutsüka aser bendanger kintem ozüng kubok alitsübajib tetsübutüsüka lir. Iba ama shisabolu aser tetsübu nungi jentettsü atema yimten nüchiso nüngdaker. Ajisüaka, asenoki asenoksasa iba shisabolu aser tetsübu tia nungi jenteter nüchi akümtsü melen, tanübo, asenoki asenok tsübutüsü tia ka nungang asenok liadokogo. Aji oda, tangbo asenok India yimten talenba kubok aliba agi shisabolur masü saka asenok o asenok na kati ka tsübutüsü aliba tetsübu tia nung shisaboluteper. Ano, iba ama tensa mapang ka nung, asenokbo yimten anaprongla nüchiso amungba yagi asenok nüchi masüa ta sayur. Anungji, tanü asenok nüngdakba nüchisoji iba terata aser tetsübu koktetsüba mapaji asütsü. Kasa tetsübuji tanü tashi India nunga lir. Aji oda, alima rongsen aser tashitemet tsütsübo India kanga renlokogo aser tajungba renloka aotsüba jenjang nung lir. Ajisüaka, kasa India lima nung kasa India sensosanger rongnungsa süaka, kar Khristan asüba aser kar Muslim nunger asüba agi pei aliba tesem nunga sadema melitettsüa tetsübu nung lira, iba India-jibo Mahatma Gandhi aser Rabindranath Tagore nungeremi pungmangba India nüchiso masütsü. Nüchiso tetezü aser tamaitüji tesünep nung sadok sadoka aser sademsadema tetsübu melii, shitak dang sura, pei jembinütsü jembitetba, pei zülünütsü zülütetba aser pei chinütsü-jemnütsü chia jemtetba aser pei amangnuba tsüngrem dak amanga kulemtetba taküm, lokti aser tesemji asütsü. Aji oda, Naga yimten nüchiso amungabajia akhi NNC ka dang ser amungba nükjidong, tangatetba aser teimla kasa nung amungtsüla aser India nüchisoa Gandhi, Tagore aser Ambedkar nungeremi angatetba aser bilemba nükjidong atalokba mung kumer amungtsüla. Aji oda, tanü NNC aser NSCN nati amungba Naga nüchiso mung ya akhi NNC nükjidong atalokba mung ka kuma memongtetra Naga nunger tamakokji aji asütsü. Kasaji, tanü Narendra Modii amungba India yimten nüchiso mung ya Gandhi aser Nehru nungeremi mezüng India nüchiso nisan atsüketa amungba tepela aser tangatetba nung memungtetra, ano India asoshi shitakba nüchiso atema raratsüba tongpang tuluka anendaka lir asütsü.

# OLEMSABANG

## TOKLANG TENZÜKERI SEN KETDANGSÜBA

~ P.Renty Jamir

*(Yashi adok nungi...)*

Aori ken yamai atener- Tam noktsüng agi Mongli noktsüng Koda makümer. Tetezü tilar agi tulur koda makümer sensaker agi takar koda makümer. Aser Mongliba ya Ungma nunger anungji pai Jabili atsüngba yabo Ao lima nung yim ishikabo prokshia oa alidang atsüngba ta angateter. Aser Ao lima nung Jabiliya tapu ana amshi. Anungji tanü sen amshia shishiba ama ya pei yimdakasüng Jabiliya shishia chiyunga jema maru. Saka tsük agi alitep Ak tulu tila ajak tsük agi ali An tsük agi ali ayok. Ano nashi Ak temchi achiba shi ajak tsük agi ayok ali .Ano asetdangi aoba ango tsük yimchi puwa malangba jang agi ayok ano ozü apuba jang agi pa yari shishitep.

Nisungi züsentetba tsük lira ojang sen atema shisa mebului litepa aru. Tang sen aser Aor onük dangi arudi. Alima otsü zülür Historian Dr.B.B.Gosh-i ashiba agi Aor ya Chungli yimti nung A.D 1070 nungi A.D 1100 tsüngda shi ka lir 1200A.D shi nung Ungmai adoker alitsü. Yamaji Aor Aolima nung soyapokya oa kum noklang pezü pungo süla oa lila alidang England nunger shishilembar telok ka East India company shishilemba-a India lima ajak amanglema 1690 nung Calcutta tashi arua mesemteta ali yamaji tanem tanemi India lima ajak atsüngteta 1826 nungbo Assam lima Yandabo treaty sign sütepa par yimsüsüba kuboki ait Assam lima ta kodang südir aji Naga lima tatong. Kechiyong tzüma rongbang alir yim aika parnok den külemeyoktepa sobaliba-a shishilemba-a aru. Yamaji saka India lima tulu chuba yimli aika anungji ajak atema sen ka mali asü. Kodang East India Company yagi India lima ajak amanglema 1835 nung India nunger ajak atema (Uniform Coinage) sen yanglu. Anungji Ao lima British Government-li amanglema 1890 nung kodang Mokokchung Sub-Division mesemet idangjibo joko Aor sen tera tera amshia liasü anungji British Government-i nem kum nung ki shia temelen sen anana agütsüdi ta nangzüktep.

Iba sen ya Assam nung lua aahyanga aahba sen kechiyong Assam lima nung arem teimba leptoka sen ya Assam nung lua aahyanga aahba sen kechiyong Assam lima nung arem teimba leptoka süngolu yimyonga oa Government-i terenlok mapa inyakba nung asenoka sen aah onok tanur asüdang House Tax sen anana sarubaji tebur alirtembo tsüngkum nung aahyangi oa aah-a bener atur agütsü. Tebur malirbo sen akar takar lui sen ka nung tetsür nübu pezü oa aah-ar agütsü. Yamaji sen dang sen jar lila aru. Sen manguba kuli kar bener arudi.

1. Ao mungdang tanabuba 1898 kum Impur nung sentep idangji osang tajung tanga kintem dangi yoktsü nüngtem nung Temeranger tenla saru yangji sen Rs.3/- 3as sarutet 3as tetezü poisa 12.
2. Ano kum aika lir 1929 Longkhum nung AKM sentepba mungdang nung sen saruba temeranger tenla medeni mungdang nung sarutetba sen Rs. 2.5as liasü. Iba mapang tashi ya sen ya coin dang amshia liasü.

Paper Money- Ao limai sen chandi melena shidi sen aruba shisemba ama senjang coin agi meperiba aser bener senzütsü asakba agi China lima nung 9th Centuries A.D nung paper agi yanglu. Tangarbo ano asen Aor kong aliar memetetdang paper sen amshi. India nungbo nübur ajak atemabo 1835 nungang yanglu aser India nüjiso mangu tashi senbo India sen (Rupee) saka England chuba kolak enoka yanglur amshia asenoka kasa senji amshi aser tanü tashi India sen amshir. Kechiyong England nunger senbo Rupee ta masü pound ta ajar koba India sen dang kanga agi tuluba yamaji nüjiso ngur India Government tasen melenba den sena melenshia amshi, aser tanabuba alima rara temer 1949 nung Aortem Governmenti mapa inyaktsü yim shia Dimapuri nübu tezungtet jaoka yim lemsar mapa inyakdaktsü. Iba mapa temer sen agütsüdang chandi masü note agütsü taortemji tesüngmangtsü tezütangtep ta ashir. Aser onok yimerbo train nung alur Jorhat Bank nung tua note 100 agütsüli chandi 90 meshili ta melena bener atua yimdong nung pakti lemer alem ta ashir. Joko tanem tanemi sen ka note ana note pungo note yamala tera tera amshi.

*(Maneni asüng adok nung...)*

Iba Olemsabang nung lemsaba ken-o aser shisatsü ya iba ocet zürlü bilemba ken-o ama tazünge ri angateta agitsü mepishir

## Nigeria nung Muslim nungertemi Tenla ki ka rongdoktsüogo



Kontagora jila nung Muslim nungertemi Redeemed Christian Church of God Tenla ki rongdoktsüuba sülen tangokba noksa nung angur.

**August 15, 2024:** August 10, 2024 anepdang central Nigeria nung aliba Niger State nung Muslim nungertemi Tenla ki ka rongdoktsüogo.

Anepdang 3:00 ako meta Muslim nungertemi Kontagora jila nung aliba Redeemed Christian Church of God (RCCG) Tenla ki rongdoktsü.

Kasa tesem nungji tamalen-a Muslim nungertemi Tenla ki ka rongdokja liasü, ta Associate Pastor, Samson Ogbelor-i metedaktsü.

Osangbener den jembidang pastor-i, "Ozü Arogo Tenla ki rongdokdar, ta kü nem phone ajanga osang metedakja liasü. Ni iba tesemji tonga aodang Tenla kiji terongdak liasü aser Tenla kidang nungi auyadoker liasü," ta metedaktsü.

"Ozü Arogoy tayongzükba aika ajangshiogo. Küm 10 tejaklen-a Muslim nunger kar arua Tenla ki rongdokja liasü.

Onoki kanga meranga Tenla ki tanaben süchia liasü," ta paisa metedaktsü.

Kontagora jila nung aliba Muslim nungertemi iba tesem nung Tenla ki asübaji nokdangtsü aiben merangogo saka makok, ta pai ashi.

"Tesüsa onoki Tenla kiji renema asü, ajisüaka parnoki (Muslim nungertemi) manen i jila nung Khristantem atema tekülem ki ka alibaji anema nokdak. Tang agi tanabenbuba parnoki Tenla ki rongdoktsüogo," ta Pastor Ogbelor-isa metedaktsü.

Arogo nung züngsem, Markus Emmanuel-i, "Tenla ki meshimeshia rongdoktsüogo. Tenla ki anasa alirtemi Muslim nunger telok ka arua Tenla kidang mi senoktsüba angu. Tang agi tanabenbuba Tenla ki rongdoktsüogo, kechiyong küm 10 tejaklen-a yimsü alia amanger Muslim nunger telok kati Tenla kidang mi senokja liasü.

liaşü," ta metedaktsü.

Arogo nung deacon, John Aboje-i jila nung Muslim nunger lenirtemi Muslim nütsüng teimba aliba Kontagora Local Government Area nung Khristantem yimsü temeden wazüka yutsütsüla, ta metedaktsü.

Paisa, "Onoki state sorkar aser Kontagora Muslim emirate dang Khristantem nem yimsü temeden agütsütsü atema inyakang ta mepishiogo," ta metedaktsü.

Christian Association of Nigeria (CAN), Niger State Chapter chairman, Rev. Bulus Dauda Yohanna-i sangdong ka ajanga, "RCCG Tenla ki rongdoktsübajı taochi maket aser menüngdakba mapa ka liasü. Iba ya Kontagora jila nung Khristantem atema tejashitsü tatalokba ka lir," ta shia sorkar dang yimsü alia amangertem azüoktsü mepishi.

## Norfolk nung missionary Patricia Gillett süogo



Missionary Patricia Gillett

**August 15, 2024:** Norfolk nung tamalen missionary Pickenham Centre nung küm 14 tashi nüburtem tenzüka liasü. Centre nungji tenati training agütsüba den külemi bible training courses agüja liasü.

Patricia Gillett aser la kinüngbu, Peter nati Norfolk nung alirtem küm aika tenzüka aruogo.

aruba sülen Swaffham anasa Pickenham Centre nung küm 14 tashi nüburtem tenzüka liasü. Centre nungji tenati training agütsüba den külemi bible training courses agüja liasü.

Taoba mapang primary teacher, Gillett-i tesüsa Bible Society indang Open the Book project nung inyakba den

külemi Great Yarmouth nung aliba school tem nung anepdang tekülem sentongsa agija aruogo.

Lai primary school nung azünger tanurtem dang küm piyong Laishiba nung aliba otsütem shia aru. Lar kibongisa Thrigby Windmill nung Windmill Christian Fellowship tenzük.

Iba mapang nungji online group Women4Christ ajanga la kanga ajungmesoa liasü.

Lai atsü inyaktsü kanga jangra aser Thrigby Windmill nung retreat sa ayongzüka agi.

Patricia Gillett dang 'Tricia' tasa aja. La mapang tatsüka shiranga aruba sülen July 30, 2024 nü James Paget Hospital nung asü. La arrshi küm 81 liasü.

Lai la kinüngbu Peter den chinur ana- Jenny aser Steven na den semchirtem aser tanabuba semchirtem aika toktsür pilaogo.

La den asüpila sentong August 21 nü nikongdang 2:00 ako nung Mautby Parish Church nung agütsü.

## ANOGO ABEN TSÜNGREM DEN

### Tajungtiba Tenzüktsü

"Nisung peladaktsürtem ama tenük mapa agi masü, saka Khrista tenzüker ama pei temulung ajak agi Tsüngremi mulungba inyakang"

(Efesa 6:6)

Asenok shirnoki Khrista kümtetdakba ta agizük, Khristai asenok alar shishilemba dak teimla makai nokdaka alidang dalang agi alizük ta bileyettsüla. Iba shishilemba daki Khrista aru aser Tebu temeim ajak asoshi jungkai adokdaktsü. Hon aser taribi agi masü; saka pa senti zü agi alizük. Asenok temenen agi alenbanger aliba nungi salatsü asoshi Pai mulungsoa aser temeim taroktiba agi Pa taküm agütsü.

Iba tamaren tenlabu asenoki angateta akümdang, asenoki Khrista dangi arua "Ni kü taküm aser akaba agi Na tenzüktsü mulunger" ta ashir. Pai asenok tenangzükba agizüker aser asenok dang mulungsoa meimer. Asenok joko asenok meyong masü, kechiaser asenok senti jenjang agi Pai alizükogo. Techir shibai asenok dang meim pa alar akümba jagi asenok taküm jenjang ajak melenshir asenok tesendaktep yanglushi. Asenok ano temenen nung alidang pai dalang jenjang agüjadok. Iba ama jenjang tulu agütsüba ajanga Pa meimtsü asoshi asenok nüchi kümdaktsü. Sentsü kepangtsü asenoki makok nung asen akaba ajak pa meyong kümdaktsü. Iba tangatetba nemji anogo shia asenok taküm anidaktsütsüla, süra asenoki Pa tajungtiba nung tenzüktsütsü.

## Iran nung tetsür temeden atema longkak aitdang Khristantem timtemer

**August 15, 2024:** UN report ka ajanga, Iran nung tetsürtemi pei temeden atema longkak aitba anema sorkari inyakdang Khristantem ang taliba timtemdar, ta metedaktsü.

Küm ana tejaklen Iran nung arrshi küm 22, Jina Mahsa Amini police ket nung lia asüba mapang nungi tenzükta tetsürtemi pei temeden atema longkak aita arudar.

Iran nung aliba UN fact-finding mission report ajanga ashiba agi, tetsürtemi longkak aitba anema sorkari azüoktsü merangdang Kurd aser Baluch lisopurtem aser Khristantem densema minorities ang taliba reshikangshir.

Iran nung ketdangsertemi ozüng alema nisung tepseter, nüngdak makaba nung tashiyim amshir, apur, reshikangshir aser tashiyim amshia raksatsür.

Kasa report ajanga ashiba agi, sorkar ketdangsertemi lisopur aser Khristantem densema minorities tanurtem anema-a inyaker.

Open Doors aser Article 18 na densema Khristan melungtet teloktemi, Iran nung tetsürtemi longkak ait tenzükba mapang nungi Khristantem, talisa Islam yimsü toktsür Khristan yimsü agizükertem kanga reshikangshidár.

Open Doors UK & Ireland CEO, Henrietta Blyth-i alima linüktem dang Iran nung lisopurtem aser Khristantem densema minorities kümzüktsü atema inyakdaktsüner, ta ayongzükogo.

Küm 50 tejaklen Iran nung Khristan nütsüng ishika dang liasü aser item telokji Armenia nunger, Chaldean nunger mesüra Assyria nunger liasü; parnok lakh ishika Iran nung putu aika lia aruogo.

1979 küm Iran linük nung Islamic Revolution matalokdang Islam yimsü toktsür Khristan yimsü agizükertem noklang ishika dang liasü. Islamic revolution ajanga secular yimli atsüngdokba sülenbo Khristan nütsüng ishikaji-a samadoktsü aser Islamic Republic of Iran nung Sharia ozüng ajanga Khristantem kanga reshikangshitsü, ta bilema liasü.

Tesüiba küm 44 tsüngda Iran linük nung Islam yimsü toktsür Khristan yimsü agizükertem kanga reshikangshia arudar. Iba linük nung Farsi oshi nung Laishiba khenyongi memelar aser tangar den Khristan yimsü lemsatepbaji ozüng alema lir.

Tesüiba küm aika tsüngda linük nung Khristan lenirtem aika pua asüngdangyaogo aser lenirtem aika Evin Jail nung puoka lir. Iran nung Islam yimsü toktsürtem aika nem tasüba temerenhi obendanga agütsüogo.

Iba linük nung Khristantem kanga reshikangshia tesüiba küm 10 tsüngda alima nung Arogo tekaratiba ainba linükji Iran lir. Iba linük nung Islam yimsü toktsür Khristan yimsü agizükter million 1 dak tema kümogo.

**AO OSHI ANGAZÜKDAK:**  
**TANÜ ANGAZÜKTSÜBA OJANG**


Tir Yimyim

**Talir**


(n) osettsüset alirtem (customer, buyer)

\* Tanü asüng shishilemdak talir kanga ajema kümogo.

**Talisa**

(adj) item dak alia (moreover)

\* Talisa asenoki teti Tsüngrem nüng asangtsüla.

**OLONG PAITEP # 6896****TIPLÉN**

- |                       |       |                             |       |
|-----------------------|-------|-----------------------------|-------|
| 1. Balaka             | - (5) | 2. Hai sur inyak            | - (4) |
| 6. Aika shirangba     | - (4) | 3. Aor tenüng ka            | - (6) |
| 7. Tar tatsü          | - (6) | 4. Ali telungi talangka lur | - (5) |
| 9. Nenü'er jabaso     | - (4) | 5. Tebang kenyongi mazüoker | - (4) |
| 10. Sen latettsüba    | - (7) | 8. Ken atema anenzükertem   | - (5) |
| 11. Tangar kübok alir | - (4) | 9. Toktepa noktak           | - (5) |
| 14. Lon nung inokba   | - (6) | 10. Sen                     | - (6) |
| 15. Tzü ayimdark      | - (4) | 11. Benjong agi             | - (5) |
| 16. Ajok              | - (5) | 12. Telung nung rizünga ayu | - (4) |
| 13. Tebang nung enok  |       |                             |       |

**OLONG PAITEP # 6895 TELANGZÜBA****TIPLÉN :**

- |                                  |                                 |
|----------------------------------|---------------------------------|
| 1. Aben, 4. Artsü, 7. Lisem,     | 1. Aruli, 3. Balala, 5. Suwar,  |
| 8. Liwa, 9. Sarasadem, 12. Aket, | 6. Belem, 9. Sükak, 10. Aonung, |
| 14. Mangu, 15. Anünü, 16. Ango.  | 11. Dokan, 13. Tinu.            |

**LANGTSÜNGLEN**

- |                             |       |
|-----------------------------|-------|
| 2. Hai sur inyak            | - (4) |
| 3. Aor tenüng ka            | - (6) |
| 4. Ali telungi talangka lur | - (5) |
| 5. Tebang kenyongi mazüoker | - (4) |
| 8. Ken atema anenzükertem   | - (5) |
| 9. Toktepa noktak           | - (5) |
| 10. Sen                     | - (6) |
| 11. Benjong agi             | - (5) |
| 12. Telung nung rizünga ayu | - (4) |
| 13. Tebang nung enok        | - (4) |

**NAI-A YA METETTER MA**

Mahindra company-i 78buba India Independence Day atongtsü lia Kochi nung rock concert ka nung Thar ROXX tasenba sayaogo. Base petrol MX1 variant atema iba gari jenjang sen lakh 12.99 (ex-showroom) asütsü aser entry-level diesel version atema sen lakh 13.99 (ex-showroom) asütsü. Iba gari tasenba ya 3-door Thar dang nungi sen lakh 1.64 agi timba asütsü aser top virant atema sen lakh 20.49 (ex-showroom) tashi asütsü. Gari tasenba booking October 2 nü tenzüktsü aser September 14 nü nungi test drive sütettsü. Mahindra-isa, Thar tasenba ya October 12 nü nungi agütsü tenzüktsü ta metedaktsüogo.

**Manipur CM-i sen crore 5,276 alang project sangdong**

Chief Minister N Biren Singh-i Brehostibarnü Manipur atema sen crore 5,276 alang project benoka inyaktsü sangdongogo.

**Imphal, Luroi/August 15** inyaktsü.

**(Agencies):** Chief Minister N Biren Singh-i Brehostibarnü Manipur atema sen crore 5,276 alang project benoka inyaktsü sangdongogo.

'Viksit Bharat, Viksit Manipur' kübok project tem ya infrastructure aser disaster recovery dak rangloker

CM-i sangdongba tongtibang project tem rongnung sen crore 1,776 intoka yanglutsü aliba Imphal Ring Road project atema nüngshilong azüngtsüba densema lir. Iba project ajanga state yimtiba nung gari senzüsenpong mesademi aliba tebilemtsü agıntsütsü imlar.

**Lengpui Airport IAF nem agütsütsü sentong yangluba atema MNF-i ZPM aitsü**

**Aizawl, Luroi/August 15**

**(Agencies):** State meyong airport, Lengpui airport India Air Force (IAF) nem agütsütsü atema sentong yangluba atema Mizoram nung opposition party tongtiba Mizo National Front (MNF)-i Bodhbarnü chief minister Lalduhomä-i aniba Zoram People's Movement (ZPM) sorkar aitsüogo.

Osangbenertem den sensaksema mapang MNF publicity board vice chairman J Malsawmzuala Vanchhawng-i ashiba agi, taoba küm December ita sorkar kümvetba sülen nungi ZPM sorkari airport terenlok aser achaayangtsü asoshi IAF mesüra private company kar nem agütsütsü sentong yanglua arudar.

2023 küm December 14 nü council of minister senden amenba mapang Lengpui airport ya tanga agency nem agütsütsü atema telemtetba agi, aser tanga agency nem airport agütsütsü atema lenmang bushitsü asoshi kümvetba working committee-i tawa parnok indang report agütsüogo aser airport ya IAF nem

"Lengpui airport IAF nem bendanga agütsütsü asoshi sorkari telemtetba agiba ya state nung aliba nüburtem mezungmeshiba ka lir," ta Vanchhawng-i ashiba.

Ajisüaka pai, Mizoram nunger aser agency tem tsüngda ajaki agizüktetsüsa tangatetep ka dangi arutetra, airport ya IAF mesüra tanga company kar nem agütsütsü asoshi MNF-i anema mali, ta ashiba.

Vanchhawng-i ashiba agi, Lengpui airport ya IAF nem bendanga agütsüra Mizo

Chief Minister Singh-isa, Imphal-Jiribam railway line indang metedaktsü, koba ajanga Manipur state national rail network den sendakteptsütsü.

Noney nung alima nung talangtiba pier railway apu densema train lenmang km 111 yangluzükba sülen iba ajanga state nung transportation melenshistsütsü.

Tzümetsüng, anentsüh aser yipru balala ajanga teraksatsüba bener arutsüba dak sendakba nung Singh-i, ki, lenmang aser apu raksar alibatem yanglushitsü atema sorkar bendanga agütsür lir ta ashi.

Paisa, Pradhan Mantri Ayushman Bharat Health Infrastructure Mission aser Emergency Covid Response Plan kübok health infrastructure projects tasen 11 yanglua healthcare facilities jenjang ajungkettsütsü sentong aliba indang jembia liasü.

nungertem senzüsenpongtsü atema tebilemtsü aika adoktsü, kechiyong airport ya nüburtem atema masü saka security atema tongtibangsa amshitsü.

Kidanger state Assam nung Silchar, Tezpur, Jorhat jila indang airport aser linük kübok tanga state nung IAF-i achaayangba airport jenjang reprangdangra Mizoram nung airport ka dang aliba ya air force nem bendanga agütsütsü jangrademtsükabo masütsü, ta pai ashi.

Vanchhawng-isa, Lenpui airport ya IAF-i achaayangba airport kar dang nungibo tajungba inyakangshia arudar, ta ashiba.

Pai, iba airport yagi anogo nung passenger 1000 nungi 1500 tsüngda achaayanger ta ashiba.

Airport yagi senotsüa kanga junga aazükdar, kechiyong 2021-22 nung sen crore 3 aazükba 2022-23 nungbo sen crore 6 aazük aser 2023-24 nungbo sen crore 9.96 aazükogo, ta Vanchhawng-i ashiba.

**Assam Congress tir Bhupen Borah IT dept-i jaok**

**Guwahati, Luroi/August 15**

**(Agencies):** Assam Pradesh Congress Committee tir Bhupen Borah-i, parnoki sorkar kümvetra sorkar tasenbai Chief Minister kinungtsü indang ali aser kiojentem sota ayutsü aser bushisüngdang tenzüktsü ta ashiba sülen anogo ishika lir Income Tax Department-i Borah jaokogo.

Notice nung Borah dang August 16, 2024 nü 1:00 ako tashi nungbo Guwahati nung Aayakar Bhawan tanga arutsü tetuyuba agütsüogo.

Kasa tetuyuba nungsa Borah dang tang ken o bushisüngdanga



Bhupen Borah

agütsüttetsü mesüra pai temelaba agütsür tangar ka yoktsü akok.


Notice nungsa temelaba magütsü tashi Borah iba tesem toktsü maotsü atema tetuyuba agütsüogo.

Maneni kasa notice ajanga Income Tax Act, 1961 kübok pa merentsütsü akok ta shia lir. Atakzükja aliba anogo Borah-i tashi mangara, kuli magütsüra mesüra tenüngdakba kuli kakettem magütsüttetra pa dang Act kübok Section 272A(1)(c) dak ajemdaker infraction ajak atema senchi sen 10,000 achitsü akok.



## Chief Minister Nagaland Launches CHIEF MINISTER'S UNIVERSAL LIFE INSURANCE SCHEME

Launch Date:  
15<sup>th</sup> August 2024



### Insurance Coverage Details:

- Life Insurance: Coverage of ₹2 lakh for breadwinners
- Accidental Insurance: ₹2 lakh coverage each for the primary breadwinner and up to three family members in the event of accidental death or disability

### Eligibility Criteria:

- General Category:**  
Any family member aged 18-50 can be designated as the breadwinners
- Government Servants:**  
Automatically considered as primary breadwinners  
Age eligibility: 18-60 years

### Registration:

#### For CMHIS Beneficiaries and Government Servants

- Families holding CMHIS cards can verify their eligibility details at: <https://cmhis.nagaland.gov.in>.
- Verification Deadline: 5<sup>th</sup> September 2024

#### For Non-Covered Families

- Families not covered under CMHIS can register through the following:
  - For Rural Areas: NSRLM
  - For Urban Areas: Offices of the DC/ADC/SDO/EAC
- Registration Deadline: 15<sup>th</sup> September 2024

Security Advisory: Be cautious of unsolicited calls and avoid sharing personal details with unknown callers

For any queries or assistance, please contact:

94360 30303

or your local NSRLM representative, administrative officers in urban areas

## Ato kilonser anentsüba sülen Thailand yimten tashimait kumogo

Bangkok, Luroi/August 15 court judges temi vote 6-3 mendeni aruba danga coalition (Agencies): Küm ka majung agüja agizüka liasü. Tai züngsem temia candidate tonglokja aliba indang shimsü. Ajakibo yamaji bushisüngdang tatem kati meinyaktsü aser yariteptsü asoshi parnok jembiteptsü. arudang Bodhbarnü obendang ya agütsü.

Srettha anentsüba ya Thailand indang constitutional court yagi August Thailand nung küm 16 nung 7 nü Move Forward Party (MFP) shibangtsür hopta ka sülen ato kilonser pezü buba dang lir Srettha ya anentsür. mapu nungi anentsür alitsü.

Pa indang office kima Criminal Code Section 112 osangbener den jembidang pai melenshitsü benok, kong chuba obendang akumtsüber ta ashi yimli maitsütsü shia lir.

Tang Pheu Thai Party ya Srettha melentsü asoshi inyakteptar aser Thai parliament ya iba ken o atema vote agütsütsü asoshi special session ka Hokulbarne 10:00 ako nung senteptsü.

Party yagi 2023 election masüdang ato kilonser indang candidate ama shima alirtem nungi dang shimtetsü.

Nisung aikati arishi küm 75 taina taoba Pheu Thai justice minister Chaikasem Nitisiri nem iba maongka agütsüner.

Ano arishi küm 37 tain Pheu Thai lenir Paetongtarn Shinawatra ya tejangga nübu ka lir, shiba taoba ato kilonser Thaksin Shinawatra jala lir.

Küm ka jakdang yimya balaka nung yimsüsüba liasü.

**Teti Meima Aliba  
T. Lima Ao**



30.4.1959 - 11.8.2024

T. Lima Ao shiranga alidang aser asüko jashi mapang nung adianutem, temeimertem aser medememtem shirnokisa rongsen, nebu aser sarasadem agi yaria temeim sayuogo, nenok ajak dang kanga pelaba asür T.Lima Ao kinungtsü aser adianutemi iba sangdong ajanga metedaktsür, Tsüngremi nenok ajak moajangma.

## AKHOYA SENSO TELUNGJEM MOKOKCHUNG (ASTM) PELABA SANGDONGER

ASTM member Lt. Mr. Purtemsu Tzüla tzü nung samar bushiba mapang, Yimtsüng, Arogo, lokti balala, kija aser kibong shirnokisa nübo, rongsen aser sarasadem ajanga yariogo, Akhoya Senso Telungjem Mokokchung (ASTM) ajanga pelaba metedaktsür. Nenok mapa tajung asoshi Tsüngremi moajang ta ozü ASTM sarasadem.

Sd/-  
Dr. Imliviati Longkumer  
President

Sd/-  
Mr. Imtitemsu  
Gen. Secretary

## OFFICE OF THE NOKPU VILLAGE COUNCIL

P.O. Mangkolemba, B.P.O. Longchem  
Dist. : Mokokchung, Nagaland

### SANGDONGER

Nokpu sensosangeri mapang ajak nung Naga nunger nüchiso bushirtem den amalitepa aruogo, saka tang ozü Saringyim (Nokpu-B) yimtsüng nung koba August 10, 2024 anogo nung meimchiri meimlaba mapa ozü jala dak atalokogo, ya jala asoshi dang masü saka ozü Nokpu sensosanger ajunga mezüngmeshiba mapa ka.

Anungji iba mapa nung ajemdaker tanü August 12, 2024 anogo nung Nokpu aser Saringyim (Nokpu-B) telongjem Sangsamai yamai renemer.

- Tanü nungi linük tenzüker aser nüchiso bushir telok shianga nüngdak makaba nung Nokpu kazükli nung jenoka/amongtsü memelar.
- Ao Senden tetuyuba nung ajemdaker, tanü nungi shir telok (faction) südir süang Nokpu kazükli nung illegal taxation, sarusaji asütsü memelar.

(T. SUNEPLONGKUMER)  
Secretary  
Nokpu Village Council

(I. MEREN WALLING)  
Chairman  
Nokpu Village Council

## Gaza nung nisung 40,000 dak tema tepsetogo

Gaza, Luroi/August 15 (Agencies): Hamas-i anir October 7 nü Israel amakba sülen Israel mitkari Gaza nung Palestine nunger 40,000 dak tema tepsetogo, ta Hamas meyong health ministry ajanga ashir.

Brehostibarnü tashinung asür nisung 40,005 ajungba ya iba territory nung nütsüng yongsük million 2.3 aliba nungi shilem 1.7 shi lir aser rara ajanga meimchir akoksaba jangja sayur.

Nisung asü-amaba den satellite nungi noksa tangokba asadangba nunga rara tenzüker Gaza nung ki o jen shilem 60 shi raksatsür mesüra samatsüogo.

Tesüiba ita ishika tsüngta south tsütsü Rafah yimi nung tesashitiba raksatsüba noksa tem ajanga ashir.

Health ministry ajanga nisung asüba indang sangdongba nung civilian aser sepi lemdanga mali. Ajisüaka makumtsü tenokdangba agüja liasü.

Iba sülen Pheu Thai yagi party 11 den lungjemer Srettha lenisüba kubok sorkar kumteta liasü.

Iba rara nung kiralongrar 15,000 dak tema tepsetogo, ta tan ita Israel mitkari osangbener

Gaza nung aliba Hamas Government Media Office (GMO) ajanga osang balala nungi bendena nisung asüba indang sangdong tenzük.

(Maneni tapak 8 nung...)

## Modric-i Real Madrid nung otsü tasen ka yanglu

Luroi/August 15, 2024 iba asaya akokba sülen (Agencies): Champions League koker aliba Real Madrid team-i Bodhbarnü (August 14) Europa League champions Atalanta goal 2-0 agi koka UEFA Super Cup title benogo.

Iba asaya ya Warsaw National Stadium nung asaya, kong Federico Valverde-i Real atema minute 59buba nung mezüngbuba goal idaktsü aser Kylian Mbappe-i minute 68buba nung tanabuba goal idakja liasü, koba pa asoshi Real nungi mezüngbuba goal liasü.

June ita PSG den tenangzüktepba yanglur aliba tembangba sülen Mbappe Real nung free agent ka ama dena liasü.

Atalanta goal 2-0 agi akokba sülen Real Madrid-i Super Cup ya otsüsütsüsa trokbenbuba kokogo aser kasa mapang nung

Modric-i, UEFA Super Cups pongu, Champions Leagues trok, FIFA Club World Cups pongu, La Liga pezü, Copa del Rey ana aser Spanish Super Cups pongu koka lir.

Warsaw nung UEFA Super Cup akokba sülen Carlo Ancelotti-a Miguel Munoz den Real Madrid nung takok marok timtiba anguba asayar kümogo. Bodhbarnü Super Cup akokba ya pa asoshi Real Madrid asayar ka ama takok marnok 27buba akokba liasü. Pa 2012 küm August ita Premier League club Tottenham nungi arua Real nung aden aser takok tajung ngua arudar.

2018 küm Ballon d'Or ngur aliba asayar yagi taoba mapang Real captain Nacho dang nungi takok marok ka agi timba kokogo. Spain nunger right-back Dani Carvajal-ia takok marok 26 koka lir aser Karim Benzema aser Marcelo natia takok marnok 25 koka tena tasembuba jenjang nung lir.

Ancelotti-i Real nungi Champions Leagues asem, la Liga ana, Copa del Rey ana, Supercopa de Espana ana, FIFA Club World Cup ana aser Super Cup asem koka lir.

Rao Desai aser PC Laldinpuia nata densema lir.

Vignesh pelashishia agizüka head coach Owen Coyle-i, "India nunger sempet tajung aketba lanur asayar ka alizükba atema kanga pelar, shibai ISL nung pa sempet tajung sayuogo. Pa alizüksü atema onok tanga club aika den toktepa liasü. Vignesh ya team asoshi asayar tajung ka asütsü aser pa den inyaktsü yongya atar," ta ashi.

Vignesh mezüng Bengaluru indang Ozone FC nungi asaya tenzük aser pa iba club nungi küm trok asaya liasü. Pa arishi küm 17 asüba mapang mezüngbuba senior team nungi asaya aser 2018 I-League 2 Final Round tonga asayaba mapang pai tongtibang shilem shilem ka akümtsü," ta ashi.

Kasa küm Vignesh Indian Super League nung Mumbai City FC nungi asaya tenzük aser AFC Champions League nung asaya pezü densema Mumbai team nungi tetoktepba balala nung asaya 60 nung asayaogo. 12buba kümogo, kong Mandar

Vignesh ya Mumbai City

Mumbai City nungi küm pongu asayaba sülen 2023-24 season metenzük tsüngda Vignesh Hyderabad FC nung aden. Hyderabad nungi asaya trok nung asayaba sülen pa taküm January ita Odisha FC nung loan nung oa aden. Odisha FC nungi pa asaya 17 nung shilem agia liasü.

Maneni Vignesh ya 2018 SAFF Championship nung tanabuba jenjang nung tembangba India team nung densema liasü.

Aser rara ya anen yonga

tashidak balala mesüra ayaba agi nisung aika asütsü ta ashir.

Anungji rara atemba sülen

nisung tasümang aser samar

alirtem bushiba ajanga tali

tejangjaba metettsü.

Gaza nung rara tenzüker tangokba satellite noksa tem medemdanga asadangba nungi ki o jen shilem 59.3 shi raksar

agusüba sülen pa iba

asayamung nung 72benbuba

asayatsü lir.

Austria nunger Dominic Thiem, shibai 2020 küm U.S. Open koker lir, la teberem yiruba ajanga ita teku masayai lir asaya tenzükogo aser French Open nung mezüngbuba asayaba mapang tasembuba round tonga asayaogo.

Taküm US Open ya August 26 nungi September 8 tashi New York nung asayatsü.

Luroi/August 15, 2024

(Agencies): Chennaiyin FC-i, arishi küm 26 tain Vignesh Dakshinamurthy den küm pezü atema tenangzüktepba ka yangluogo, ta club sangdong ka ajanga Brehostibarnü metedaktsü.

Vignesh ya yimya agi left-back nung asayar saka pai asayar kar nungbo midfield nunga asaya aruogo aser iba ajanga Chennaiyin backline nem versatility aser experience agütsütsü. Pa ya season tasenba atema club-i alizükba asayar 12buba kümogo, kong Mandar

Vignesh ya Mumbai City

## US Open: Osaka, Bianca & Wawrinka nunger nem Wildcard agütsü

Luroi/August 15, 2024 (Agencies): Taoba mapang US Open champion Naomi Osaka, Bianca Andreescu aser Stan Wawrinka nunger nem taküm iba asayamung atema kija asaya main draw asoshi wildcards agütsüogo, ta United States Tennis Association-i metedaktsü.

Japan tsür Osaka, shibai 2018 aser 2020 küm U.S. Open kokogo, la jala soa bentsüba sülen January ita nungi asaya tenzükogo aser taküm WTA 1000 asayamung pezü nung tasembuba round tonga asayaogo.

Naomi Osaka-i, la asaya tenzükshir ita ti jungaka ano taoba mapang asayaba amabo

masayateter ama bilemba lemsatepogo aser lai la power aser accuracy taoba mapang ama masü ta shiogo.

Osaka ita 15 tashi masayai lir asaya tenzük aser pa tang world rankings nung jenjang 90buba nung lir aser taküm lai Doha aser 's-Hertogenbosch nung quarter-finals tonga asayaogo.

Canada tsür Andreescu shibai 2019 küm U.S. Open koker lir, la teberem yiruba ajanga ita teku masayai lir asaya tenzükogo aser French Open nung mezüngbuba asayaba mapang tasembuba round tonga asaya liasü.

Osaka taruba asayamung Flushing Meadows nung

## Lamine Yamal tebu amaker nisung 3 puogo

Luroi/August 15, 2024 Yamala tebu aser tenük kuli (Agencies): Catalonia nung Spain nunger football asayar Lamine Yamal tebu kotari agi amaker nisung asem puogo aser ano ka bushidar, ta local police-i AFP dang Brehostibarnü ashi.

Yamal tebu ya Bodhbarnü Barcelona nungi km 30 shi pilar aliba Mataro jila kübok gari anena ayuba tesem ka nung maka liasü, ta Catalan regional police force Mossos d'Esquadra otongdar kati ashi.

Yamal tebu aser Mounir Nasraoui dak kotari agi aiben tsüngä liasü aser pa tang Can Ruti hospital nung temang anepaludar, ta police-isa metedaktsü.

Spain nung osang kaket La Vanguardia-i Bodhbarnü ashiba agi, Nasraoui temang mejungi lir saka lendong nungibö jenbor lir.

Catalan police-i ashiba agi, ken o nung aija pur alirtem dang Mataro police station nung ken o ashishidär aser ano nisung ka maneni bushidar.

Ken o jangjatsü atema

## BENDANGLI OSANG : Tapak 7 nungi...

### Gaza nung nisung 40,000 dak tema...

UN agency temia item ya parnok indang data aser MoH ajanga agütsüdang medemdanga liasü.

Tawa ka nungi MoH yagi rara nung tepster tenüng benden aser yangji kinungertem dena lir. Ajisüaka parnoki mejangjateti aliba tasümang ya balaka azüng, anungi UN-ia iba ya amshir.

Israel-ibo iba osang ya magizüker aser May ita Foreign Minister Israel Katz-i iba osang ya kiralongrar telok nungi aruba data taila lir ta shia lir.

Mongin aikati Gaza nung rara ajanga nisung asüba ya kanga agi timba alitsü ta ashir, kechiaser Israel nungeri tayimtsü amshia amakdang raksatsüba ki o jen agi nisung 10,000 shi nemanga lir ta Gaza nung ketdangsür temi ashir.

Iba yimti nung talisa Egypt den asütsü aser ano north aser south tsütsü ki o jen aoyi kumer liasü. Israel mitkar temi lemsaba video tem nunga Rafah tesem ajungalen tayimtsü nungi bomb pokloktsüba aser alilen nungi Israel sepaitemi ki o jen raksatsüba nguogo.

Egypt den kilometre 14

talang arütsülen Philadelphia corridor ta ajanga buffer zone

ka nung ali mürekteta aliba satellite noksa ajanga sayur.

Iba operation nungya Rafah nung tongtipang tesemtem raksatsüogo aser yangji border crossings, mosques aser yimti indang market tulutiba densema lir.

May 7 nü video ka nung Israel indang tanks temi Rafah border crossing nung "Welcome to Gaza" sign raksatsü aser kasa anogo ano video ka nung Abrar mosque indang blue dome raksatsüba sayu.

Hamas fighter meyirijang aika October 7 nü Israel south tsütsü aita nisung 1,200 shi tepster ano nisung 251 pua bener aoba ajanga iba rara ya tenzük.

## BILEMDANGANG

"Jashia dang alitsü asoshi taküm ya atsüra."



(Agencies): Chennaiyin FC-i, arishi küm 26 tain Vignesh Dakshinamurthy den küm pezü atema tenangzüktepba ka yangluogo, ta club sangdong ka ajanga Brehostibarnü metedaktsü.

Vignesh ya yimya agi left-back nung asayar saka pai asayar kar nungbo midfield nunga asaya aruogo aser iba ajanga Chennaiyin backline nem versatility aser experience agütsütsü. Pa ya season tasenba atema club-i alizükba asayar 12buba kümogo, kong Mandar

Vignesh ya Mumbai City

## US Open: Osaka, Bianca & Wawrinka nunger nem Wildcard agütsü

Luroi/August 15, 2024 (Agencies): Taoba mapang US Open champion Naomi Osaka, Bianca Andreescu aser Stan Wawrinka nunger nem taküm iba asayamung atema kija asaya main draw asoshi wildcards agütsüogo, ta United States Tennis Association-i metedaktsü.

Japan tsür Osaka, shibai 2018 aser 2020 küm U.S. Open kokogo, la jala soa bentsüba sülen January ita nungi asaya tenzükogo aser taküm WTA 1000 asayamung pezü nung tasembuba round tonga asayaogo.

Naomi Osaka-i, la asaya tenzükshir ita ti jungaka ano taoba mapang asayaba amabo

masayateter ama bilemba lemsatepogo aser lai la power aser accuracy taoba mapang ama masü ta shiogo.

Osaka ita 15 tashi masayai lir asaya tenzük aser pa tang world rankings nung jenjang 90buba nung lir aser taküm lai Doha aser 's-Hertogenbosch nung quarter-finals tonga asayaogo.

Canada tsür Andreescu shibai 2019 küm U.S. Open koker lir, la teberem yiruba ajanga ita teku masayai lir asaya tenzükogo aser French Open nung mezüngbuba asayaba mapang tasembuba round tonga asaya liasü.

Osaka taruba asayamung Flushing Meadows nung